

田
一
張
取
書



秋聲詩餘目錄

水調歌頭

木蘭花慢

滿江紅

水龍吟

摸魚兒

醉江月

天仙子

金縷曲

水龍

蘇口

水龍

水龍

水龍

金龍

金山

金山

金山

金山

秋聲詩餘

華亭 衛宗武 淇父

水調歌頭 自適

風雨捲春去紅紫總無餘
窈窕一川芳渚軟草接新蒲
楊柳垂垂飄絮桑柘陰陰成幄
殷綠正棊敷遷木鶯呼
友營壘燕將雛 金蕉舉珠櫻累
豆梅腴壽鄉歌舞樽
前暫得皺眉舒往事南柯印綬
晚歲北山杖履寂寞笑
金吾幸作者年侶寫入洛英圖

摸魚兒 小園晚春

小林巒一年芳事亂紅還
又飛雨生香冉冉花陰轉雲
擘滿空晴絮游宴處看樂意
相關庭下胎仙舞歌聲緩

度任圓玉敲寒飛觴傳曉未許放春去
閒中趣明月清風當戶莘莘容屋陳俎
翦裁妙語頻賡唱巧勝郢斤般斧心自許
拚凋景頽齡爲鶯儔燕侶同盟會取其花
下小車竹間三徑長作老賓主

前調疊前韻

見春來又將春盡狂風那更癡雨一番芳徑
催人老回首綠楊飄絮歡會處有小小池亭
正欠妙歌舞光陰梭度對草木幽姿候禽雅
奏客至未應去十年裏冷落翟公庭戶朋來
草草樽俎投閒贏得浮生樂肯羨油幢繡斧
春幾許任洛譜名葩留宴耆英侶浮榮競取
縱帶玉圍腰印金繫肘爭似鶯花主

木蘭花慢和野渡賦菊

聚林園芳景盡輸韓圃陶籬任雨虐風饗露凝霜壓叢
木離披正色幽香不減與冬蘭竝秀結心知天賦花中
名節不教桃李同時清奇秋後尤宜浮卉盡尙芬菲
稱處士庭除先生簡冊聲續吾伊便好竹閒松下擅晚
芳長伴歲寒姿懊恨攜樽已晚明年來把花枝

醉江月山中霜寒有作

露華凝聚夜更長寒壓一牀衾重局縮龜藏燈幌悄明
滅銀釭欲凍鼻觀流珠肌紋浮粟敲枕難成夢明蟾交
映一窗清影梅弄曉見黃隕丹空但瓊華點綴萬梢
森聳橘柚香來分好景書後儘堪題送青女呈工玉妃

傳信漸六霽飛動瑞花盈盡看看疊嶂銀湧

前調和友人催雪

暮雲凝凍聳玉樓撚斷冰髻知幾今歲天公慳破白未
放六英呈瑞瘞馬發祥妖麋應禱終解從人意臘前三
白瑤光一瞬千里便好剪刻漫空落花飛絮滾滾隨
風起莫待東皇催整駕點點消成春水巧思裁雲新詞
勝雪引動眉間喜欺梅壓竹看看還助吟醉

滿江紅寓古杭和南塘詠欲雪詞

屑玉飛霽正堪稱馮夷展布空幾度癡雲凝聚狂風掀
舞點點拋揚珠作霰纖纖斷續絲垂雨借銀河翦刻六
花飄天應許水漠漠斜橋渡煙淡淡長亭路望寒莎

衰柳總成愁緒坡老新堤須好在逋仙孤嶼猶堪去共
尋梅止欠雪雙清煩青女

前調壽野渡

弧矢開祥喜從此旬兼九日新歲改椒盤獻頌齊頭七
十漸入唐人諸老畫可追洛社耆英集有陶潛三徑健
吟哦貧而適摘仙桂探蟾窟斂洪藻歸麟筆總古先
傳記譏評得失不朽芬芳垂簡冊浮榮土苴輕簪笏看
年如衛武粲成章詩傳抑

天仙子前題

搭宅亭園雖不大花木成陰難論價豪端點綴有珠璣
竹一帶梅一派明月清風何用買子子孫孫紆壽綵

家慶成圖和藹藹更添三歲古來稀酒滿罍詩滿架直
到期頤年未艾

水龍吟和野渡生朝

桑蓬掃盡閒愁未應人比梅花瘦眉峰頓展恰如雲卷
北山□九縈錦繡腸袖絲綸手駸駸希有□□□博取
巍科□□儒冠於我何有初度年來年去喜稱觴臘
前還又安時委命金魚玉帶儻來斯受傍屋園林撫松
對竹共朋三壽且逍遙安樂窩中歲歲進長生酒

金縷曲壽南塘八月生朝

強半秋澄穆半月弦南極躔高壽星明煜今歲戶庭殊
舊歲洗盡閒愁千斛沸春夏歡聲相續蘭已種成香滿

砌更蕤華得偶顏如玉雙捧勸壽齊祝
邠枝芳映莊椿綠覺這番初度稱觴柱增芬馥生子生孫從此始贖
有人傳祖笏看八座青氈須復兩兩閨中俱秀質待子
平婚嫁人人足碧桃下跨青鹿

平韻經人人致學州平知書理
有人書佩慈言八率書張承夏兩雨雨國中具表商荷江
商齊發言番西史併顯封曾長助圭字坐紙與出餘
四更執筆研師成取王製制備橋竹肉 歸列裝

陵陽詞目錄

木蘭花慢

千秋歲

鷓鴣天

漁家傲

水調歌頭

念奴嬌

賀新郎

滿江紅

水調歌頭

水

火

土

金

木

石

水

火

土

金

木

石

陵陽詞

吳興 牟 獻 獻之

木蘭花慢 餞公孫倅

山城如斗大君肯爲兩年留問讀易堂前翛然松竹留
得君不天邊乍傳消息趁春風歸侍翠雲裘留取去思
無限江籬香滿汀洲不妨無懈有監州臭味喜相投
怪底事朝來驪歌催唱喚起離愁羨君戲衫脫卻一身
輕無事也無憂昨夜夢隨杖履道林岳麓同游

千秋歲 壽黃倅

平分敏手更覺山城小聊岸幘時舒嘯當年滄浦月偏
照香山老頭未白而今半百纔踰九

半百過九年
樂天詩也

共

說東園好問春餘多少紅藥晚金沙早花須風日耐人
看功名久催洗瓊對花一笑爲君壽

鷓鴣天壽何簿乃尊

鳩杖龐眉鶴髮仙詩中有史筆如椽愛蓮自是平生趣
吟到梅花晚更堅珍九鼎食萬錢誰如有子綵衣鮮
蜀陳舊事君須記貴盛還當具慶年

漁家傲送張教

病枕逢逢驚曉鼓那堪送客江頭路莫唱驪駒催客去
風又兩花飛一片愁千縷折柳淒然無賸語加餐更
把箬衣護泥滑籃輿須穩度雲飛處親闈安問應旁午
水調歌頭壽洪雲巖

表海歸來後眠食喜清安身輕於鷓上下山北與山南
何必交梨火棗自是霜筠雪柏歲晚越堅完摩詰本無
病微笑指蒲團天有意留一老殿諸賢平生出處何
似試把二蘇看惟有黃門最貴況是龐眉壽口九秩閱
人閒持此爲公壽卽是壽元元

念奴嬌同前

山之天目蔚岩巖第一最佳泉石見說老龍高臥處正
擁深深寒碧獨闕雲扉人思霖雨未許無心出蒼崖赤
子而今誰爲蘇息昨夜涼透西風玉繩晚澹喜見歸
鴻入十二虛皇凝佇久飛下陸離宸畫繡直使名洪樞
銜位催綴新班立旂常婀娜要陪沙路清蹕

賀新郎同前

雲擁油幢碧。睠蓬萊宿緣一紀。竟須公出上界清高仙。
地位耿耿爲民還切。此自是平生願力。雨後新颿涼如
濯喜湖山千里。皆生色。便乘此問閭闔。殷勤好與摩
銅狄。炯精神依然未老。鶴標龜息造物生賢。非無意偏
近中元時節。試記取平園萊國。況有盤洲當家樣。百年
秋拾級升樞極。繼盛事看今日。
洪文安乾道乙酉六月
樞密八月參政九月兼

同知十月相

滿江紅壽趙樞密

七莢新春問底事。以人爲日記。貞觀鄭公恰至名。因人
得況。是今朝生上相。老天著意尤端的。便喚爲人日。豈

徒哉公人傑 宇宙要公扶植善類要公收拾願我公
千歲長陪丹極山立揚休人正健耐寒綵勝蓂華髮看
年年天際不曾陰真奇特

水調歌頭壽福王

某官慶輯皇家祥開赤社秋乃萬物所悅揆度正中
福者百順之名若時並錫天地其壽宗祏之休敬陳
樂府之詞仰致闕宮之祝

叔父茅封貴先帝棣華親平生爲善最樂夙德宛天人
玉葉金枝方茂瑤沼丹壺如畫光景鎮長新五福一日
壽萬象總皆春 正秋分記初度絨纏麟傳宣來自絳
闕瑞采蔚輪囷樂有鈞天九奏尊有仙家九醞翠釜紫

駝珍笑把南山指還以祝嚴宸

...

...

...

...

...

...

...

...

...

須溪詞目錄

卷一

望江南 四

南鄉子 三

如夢令 四

點絳脣 六

攤破浣溪沙 二

卜算子 二

好事近

長相思

西江月 三

雙調望江南 六

浪淘沙 三

江城子 四

浣溪沙 六

霜天曉角 十一

菩薩蠻 六

謁金門 三

憶秦娥 五

清平樂 二

歸國謠

浣溪沙

山花子

南歌子

太常引

烏夜啼

品令

一翦梅

疏影

千秋歲

最高樓

昭君怨

減字木蘭花

柳梢青

朝中措

玉樓春

行香子

鵲橋仙

夜飛鵲

摘紅英

促柏醜奴兒

桂枝香

臨江仙 十四

鷓鴣天 七

青玉案 四

踏莎行 六

燭影搖紅 三

念奴嬌 五

乳燕飛 三

瑞鶴仙

高陽臺

聲聲慢

卷二

漢宮春 二

洞仙歌 二

齊天樂 三

江城梅花引 二

蘭陵王 二

瑣窗寒

歸朝歡

大聖樂

寶鼎現

祝英臺近 二

目錄

憶舊遊

唐多令 八

虞美人

戀繡衾 三

十八

花犯 二

醉江月 九

滿江紅 四

八聲甘州 六

水龍吟 七

宴春臺

掃花遊

憶江南

梅花引

蝶戀花 二

霓裳中序第一

瑞龍吟

滿庭芳 二

木蘭花慢 二

永遇樂 二

內家嬌

六州歌頭

六醜

百字令二

鶯啼序三

卷三

沁園春七

法駕導引十

水調歌頭二十四

金縷曲二十三

摸魚兒二十

補遺

摸魚兒

金縷曲

意難忘

大酺

須溪詞

廬陵 劉辰翁 會孟

望江南晚晴

朝朝暮暮雲雨定何如花日穿窗梅小小雪風灑雨柳疏
疏人唱晚晴初

又元宵

春悄悄春雨不須晴天上未知燈有禁人閒轉似月無
情村市學簫聲

又秋日卽景

梧桐子看到月西樓醋醖橙黃分蟬殼麝香荷葉剝雞
頭人在御街遊

又

梧桐子在御街遊鳳宿雲綃金縷帶龍池翠帳玉香
毬宮女後庭秋

雙調望江南賦所見

長欲語欲語又蹉跎已是厭聽夷甫頌不堪重省越人
歌孤負水雲多羞拂拂懊惱自摩挲殘燭不教人徑
去斷雲時有淚相和恨恨欲如何

又壽謝壽册

前之夕織女渡河邊天上一朝元五日人閒小住亦千
年相合降神仙當富貴掩鼻正高眠欲語會稽仍小
待不知文舉更堪憐蔗境在頑堅

又壽趙松廬

添一歲減一歲愁眉若待一生昏嫁了更須采藥十年
遲昏嫁已隨時東家者俎豆伴兒嬉幸自少年場屋
了誰能弔浙數還炊千歲是靈龜

又胡盤居生日

盤之所春蝶舞晴暄溪傍野梅根種玉牆圍修竹筍生
鞭深院待回仙嘉熙好四十二年前猶記五星丁卯
聚更遲幾歲甲申連快活共千年

丁酉生奎其名

又壽王秋水

齊眉舉綵侍紫霞卮天上九朝鳧冉冉尊前一笑玉差
差人唱自家詞籬下菊醉把一枝枝花水乞君三十

斛秋風記我一聯詩留看晚香時

又壽張粹翁

七日後重會是星前二月之閒渾似此餘年何止萬三
千日擬醉華筵歌白雪除是雪兒傳看取長生瓢屢
倒眼前橘粟尤何玄自唱鵲橋仙

南鄉子乙酉九日

寬處略從容華水華山自不同舊日諸賢攜手恨怱怱
只說明年甚處重幾歲避遼東茅竹秋風一併空欲
望遼東何處是濛濛也似秦樓一夢中

又木犀花下因憶永陽宣溪與故鄉族子門徑之盛而

其人皆適在此感歎復賦

香雪碎團團便合杖頭帶露餐笑倒那人和玉屑金丹
不在仙人掌上盤 干樹碧闌千山崦朱門夢裏殘花
下主人都在此誰看天上人閒一樣寒

又卽席紀遊

去似賞花移處處開尊亦不辭梨栗又空醅又盡方知
舊日驪駒勸客歸 歸路月相隨兒子門生箇箇遲坐
久不知無可待堪疑向道兒癡直是癡

浪淘沙 秋夜感懷

無葉著秋聲涼鬢堪驚滿城明月半窗橫惟有老人心
似醉未曉偏醒 起舞故無成此恨難平正襟危坐二
三更除卻故人曹孟德更與誰爭

又大風作

卷海海翻杯傾動蓬萊似嫌到處馬頭埃雨洗御街流
到我吹向潮回寒似雪天梅安石榴開繡衾重暖笑
鑪灰料想東風還憶我昨夜歸來

又有感

無謂兩眉攢風雨春寒池塘小小水漫漫只爲柳花無
一點忘了臨安何許牡丹殘客倚屏看小樓面
面是春山日暮不知春去路一帶闌干

如夢令題四美人畫

比似尋芳嬌困不是弓彎拍袞無物倚春慵三寸鞞痕
新緊羞褪羞褪忽忽心情未穩

履

又

寂歷柳風斜倚錯莫夢雲難記花影爲誰重一握鮫人
絲淚何事何事歷歷臉潮羞起托顯

又

睡眠青陰欲午當戶小風輕暑倦近碧闌干斜影卻扶
人去無緒無緒落落一襟輕舉欠伸

又

落葉西風滿地獨宿瓊樓丹桂孤影抱蟾寒寄與月明
千里休寄休寄粟粟蕊珠心碎折桂

江城子西湖感懷

湧金門外上船場湖山堂眾賢堂到處淒涼城角夜吹

霜誰識兩峰相對語天慘慘水茫茫 月移疏影傍人
牆怕昏黃又昏黃舊日朱門四望暗飄香驛使不來春
又老南共北斷人腸

又春興

一年春事幾何空杏花紅海棠紅看取枝頭無語怨天
公幸自一晴晴太暖三日雨五更風 山中長自憶城
中到城中望水東說盡閒情無日不怱怱昨日也同花
下飲終有恨不曾濃

又和默軒初度韻

書題拂拂洞庭香孕雲黃粲珠光喚謫仙人除是賀知
章未老得閒閒到老無一事和詩忙 是中曾著老人

雙送千觴樂誰妨世上輸贏不似爛柯長晚入耆英年
最少空結客少年場

又海棠花下燒燭詞

紅敬醉袖帶闌干夜將闌去難拚燒蜜調蜂重照錦團
纈春到洞房深處暖方知道月宮寒 枝枝紅淚不曾
乾背人彈語羞檀欲睡心情一似夢驚殘正自朦朧花
下好銀燭裏幾人看

點絳脣瓶梅

小閣橫窗倩誰畫得梅梢遠那回半面曾向屏閒見
風雪空山懷抱無荀倩春堪戀自羞片片更逐東風轉
又和訪梅

一雪蹉跎蹇驢不載吟鞭去夜聽春雨踏雪差無苦
待得花晴總是遊人處梅應許小橋延佇蜂蝶先成路
又寄情

醉裏膏騰昨宵不記歸時候自疑中酒耿耿還依舊
恨不能言只是天相負天知否卷中人瘦一似章臺柳

又和鄧中甫晚春

燕子池塘亂紅過盡鞦韆晚絮飛欲倦正是簾初卷
睡起無情猶道天涯遠羞勻面乍驚紅淺夢自無人見
又題畫

講指春寒隴禽一片飛來雪無言可說暗啄相思結
隻影年深也作關山別翻成拙落花時節倩子規聲絕

又

虹玉橫簫織織指按新聲作參差重約昨夜梁伊錯

幾許閒愁品字都忘卻沈吟覺一聲哀角滿院殘花落

浣溪沙三月三日

高臥何須說打乖小籬過雨翠長街緗桃定有踏青鞵
晴日又思花處所東風絕似柳情懷人閒安得酒如

淮

又壬午九日

身是去年人尙健心知十日事如常眼前杯酒是重陽
破帽簪萸攜素手長歌藉草慰寒香兒童怪我老來

狂

又虎溪春日

春日春風掠鬢鬚亂山相對擁寒鑪彩鞭金勝一時無
白縷青絲成細柳更堆殘雪當凝酥兒童且莫唱皇
都

又壽陳敬之推官

身是高人欲寢冰引年可待進豨苓無憂無患也身輕
雪裏放囚天亦喜平安騎鶴到家庭今年春早爲長

生

又

十日千機可復諧郭郎感運豈仙才人閒自是少行媒
直上扶搖須九萬滿前星斗共昭回又傳賈客向曾

來
中
式
日

又

暮暮相望夕甫諧
針樓巧巧似身材
下頭無數老人媒

昨夜竹林那得見
朝來乾鵲是空回
人閒五日後能

來

攤破浣溪沙
潭上夜歸

醉裏微寒著
面醒天風不展帽
敬傾行過溪深松雪下

夜三更
白白野田鋪似月
縱縱沙路踏如冰
不見剡

溪三百曲一舟橫

又

澹澹胭脂淺
著梅溫柔不上避風臺
若比杏桃真未識

奪銀胎 汗面拭來慵傅粉酒香濃後暗潮顛嬌嫩不
應醒似醉倩誰猜

霜天曉角 初春卽事

柳梢欲雪十里煙明滅曲曲闌干轉影教人憶夜來月
家人相對說燈花還又結凍雨村村□鼓終不似上
元節

又中秋對月

烏雲汗漫濁浪翻河漢過盡千重魔障堂堂地一輪滿
秋光還又半檐聲初漏斷不管滿身花露已辨著二
更看

又和中齋九日

騎臺千騎有菊知何世想見登高無處淮以北是平地
老來無復味老來無復淚多謝白衣迢遞吾病矣不
能醉

又樓下梅一株經冬無一花春半忽開一萼梢頭出萬
紅中因賦之

經年寂寞已負花前約忽向紅梅側畔開點雪有人覺
不開何似莫百梢纔一萼卻問壽陽宮額兩三蕊怎
能著

又壽吳蒙庵

臞然如竹自是天仙福小小畫堂錦樣聽人唱鶴飛曲
橙橘黃又綠鱗到新篔熟便做月三十斛飲不盡菊

潭菊

又壽陳敬之

朝來微雪又近長生節造就一枝清絕梅與雪怎分別
兩年心似月除是天知得手種春風千樹一顆顆待
兒摘

又壽張古巖

明年七十歌彩橋仙夕見說巖君平道年年是月初一
同時同里密後今今又昔便做伏生年紀也未到蹇
吃吃

又壽賈敦

良宵七七又近中元日橋上老人有約後五日重來覓

嬋娟銀海出木犀新雨溼惟有延平劍氣箕斗外廣
寒逼

又壽蕭靜安時歸永新

歸來把菊春甕今朝熟苦苦留君不得攜孺子到汾曲
廬山眞面目冰清還映玉長笑歐公老嬾君且住飲

螺綠

其子昏燕氏

又壽康臞山

問春來未也似辛壬癸如此男兒五十又過卻孔融二
書堂孫子子新桃如故壘不管明朝後日春滿眼是

千歲

又

治中心似佛治中心似日人祝治中千歲似翁福似
翁德

卜算子元宵

不是重看燈重見河邊女長是蛾兒作隊行路轉風吹
去十載廢元宵滿耳番腔鼓欲識尊前太守誰起向
尊前舞

又壽郡守

早已是三年父老依依借願與天公借幾年保我雞豚
社

□□□

□□□□□□□□□□□□□□□□□□□□□□□□□□□□

菩薩蠻秋興

芭蕉葉上三更雨人生只合隨他去便不到天涯天涯
也是家屏山三五疊處處飛胡蝶正是菊堪看東籬
獨自寒

又湖南道中

黃雞喔喔催人起困不成眠窗似水清露不曾寒朝來
起自難家人當睡美又憶歸程幾不管溼闌干芙蓉
花自看

又春曉

畫梁語透簾櫳曉坼桐風送楊花老細雨綠陰寒羅襟
只似單青門三里道箇箇遊芳草比似嫁來看踏青

難更難

又春日山行

江波何似西湖曲
村煙相對峰南北
何處不青青
是漢瑩
長亭芳草路
寒食誰家墓
舊日厭殘紅
人行九里松

又丁丑送春

殷勤欲送春
歸去白首題將斷腸句
春去自依依
欲歸無處歸
天涯同是寓
握手留春住
小住碧桃枝
桃根不屬誰

又題醉道人圖

八仙名姓當時少
汗尊牛飲同傾倒
惟有我公榮
旁人

笑獨醒 多年村落走泥飲無升斗入了玉門關人生

一醉難

好事近 中齋惠念賜詞俾壽不勝歲寒兄弟之意

□後百年閒元度自傷來暮打破虛空無礙共乘龍飛
去 更參末後句如何此事未能付前遇小橋風雪是
君詩成處

謁金門 風乍起約巽吾同賦海棠

嬌點點困倚春光欲輒滴盡守宮難可染濃欺紅燭豔
寂寂露珠啼臉翠袖不禁風颭芳徑相逢驚笑靨日
長初睡轉

又和巽吾重賦海棠

花露溼紅淚，裊成珠粒。比似昭陽恩未得，睡來添醉色。
一笑嬌波滴滴，再顧羞潮拂拂。恨血千年明的，燼干
年人共憶。

又和巽吾海棠韻

遊賞競看取，落紅陣陣。花睡不成嬌，似病春寒空受盡。
舊日不知繁盛，欲飲如今無興。恨滿東風，無緣鬢東
風，還自恨。

長相思喜晴

上元晴，上元晴，待得晴時坐觸屏。山禽三兩聲，欲歸
城未歸。城見說，城中處處燈。明年處處行。

憶秦娥中齋上元客散感舊賦憶秦娥見屬一讀淒然

隨韻寄情不覺悲甚

燒燈節朝京道上風和雪風和雪江山如舊朝京人絕
百年短短興亡別與君猶對當時月當時月照入燭
淚照人梅髮

又昨和次又作收燈節未遣早見古巖四疊又得中齋
別梅遂并寫寄

驚雷節梅花冉冉銷成雪銷成雪二年一度爲君腸絕
古人長恨中年別餘年又過新正月新正月不堪臨
鏡不堪垂髮

又

梅花節白頭臥起餐氈雪餐氈雪上林雁斷上林書絕

傷心最是河梁別無人共拜天邊月天邊月一尊對
影一編殘髮

又

收燈節霖鈴又似鼇山雪鼇山雪今宵清絕今宵愁絕
老人似少終然別癡癡更望春三月春三月花如人
面自羞余髮

又爲曹氏騰脂閣歎曾未數早良古鏡四景又新中微

春如昨曉風吹透騰脂閣騰脂閣滿園茅草冷煙城郭
青衫淚盡樓頭角佳人夢斷花閒約花閒約黃昏細
雨一枝零落

西江月新秋寫興

天上低昂似舊人閒兒女成狂夜來處處試新妝卻是
人閒天上不覺新涼似水相思兩鬢如霜夢從海底
跨枯桑閱盡銀河風浪

又憶仙

曾與回翁把手自宜老子如龍懷胎不敢問春冬等待
鞭鸞笞鳳昨夜又遲黃石今朝重叩鴻濛碧桃花下
醉相逢說盡鵬遊蝶夢

又石奇儀嘗授吾奇門式局以爲兵法至要日持扇圖

自衛

玉帳傳心如鏡青龍繞指成輪塵中多少白頭人乾裏
尋壬難認世事說來都了鬼神見也須瞋迷槎問我

是何津向道先生畫困

清平樂石榴

深紅半面一似牆頭見草樹池塘青一片獨倚闌干幾
徧更誰絳袖朱脣火雲相對英英笑殺牡丹正午離
披不任看承

又壽某翁

君詞爲壽絕妙孫辛婦但恨杯無露添酒空等待梅花
久喜君白首還玄人閒合信天緣如此相從至老我
亦何倦餘年

歸國遙暮春遣興

初雨歇照水綠腰裙帶熱楊花不做人情雪風流欲

過前村蝶蓋成別回頭卻恨春三月

昭君怨 玩月

月出東山之上長憶御街人唱恨我不能琴有琴心
徙倚秋波平瑩漸久玉肌清冷待更下闌干起來看
浣溪沙 春日卽事

遠遊蜂不記家數行新柳自啼鴉尋思舊事卽天涯
睡起有情和畫卷燕歸無語傍人斜晚風吹落小瓶
花

又 感別

點點疏林欲雪天竹籬斜閉自清妍爲伊憔悴得人憐
欲與那人攜素手粉香和淚落君前相逢恨恨總無

言

減字木蘭花玩月答蒙庵和詞

何須翦紙依舊一團圓照水莫倚空寒柳下池邊也只

般君何忽忽宇宙人生都是客月在雲端人自愁人

不解看蒙庵詞有忽忽
早睡語併及之

又甲午九日午山作

舊遊山路落在秋陰最深處風雨重陽無蝶無花更斷

腸天知老矣莫累門生與兒子不用登高高處風吹

帽不牢

又有感

東風似客醉裏落花南又北客似東風攜手斜陽一笑

中 佳人怨我不寄江南春一朶我怨佳人憔悴江南
不似春

又臘望初晴月佳甚有上元花柳意不能忘情

臘銷三五月向雪山雲外吐煙水黃昏梅柳依稀笛斷
魂 今宵豫賞便作香塵隨步想莫待元宵燈火零星
雨寂寥

又乙亥上元

無燈可看雨水從教正月半探繭推盤探得千秋字字
看 銅駝故老說著宣和似天寶五百年前曾向杭州
看上元

又庚辰送春

送春待曉春是五更先去了我醉方知春正憐伊怕別
伊留君不可歸到海邊方憶我做盡花歸欲贈君時
少一枝

又尙學林己丑壽旦適歸廬陵其先世相州人居永和

今家臨川

相州錦好待到相州人已老潁水歸田白鷺驚猜已十
年太師尙父晚遇明時方用武大笑相逢把酒家鄉
是客中

又自述

不能管得欲雨能教天地黑待得開晴不用吾言也自
行一杯亦醉萬事無能吾欲睡舊亦能詩說舊時詩

問是誰

又再用韻戲古巖出妾

清歡昨日十事不如人六七試數從前素素相從得幾年
子兮子兮再揀一枝何處起翠釜峰駝客好其如
良夜何

又壽詞

脾神喜樂壽酒一杯勝服藥過卻明朝頂上新霜也合
銷小春三日便覺春暄梅影出醉把梅看比似茱萸
更耐寒

山花子春暮

東風解手卽天涯曲曲青山不可遮如此蒼茫君莫怪

是歸家 闐闐相迎悲最苦英雄知道鬢先華更欲徘徊春尙肯已無花

又

此處情懷欲問天相期相就復何年行過章江三十里
淚依然 早宿半程芳草路猶寒欲雨暮春天小小桃
花三兩處得人憐

柳梢青春感

鐵馬蒙氈銀花灑淚春入愁城笛裏番腔街頭戲鼓不
是歌聲 那堪獨坐青燈想故國高臺月明輦下風光
山中歲月海上心情

南歌子

搔困麻仙爪含暄忍客衣夜長窗月露成幃不說明朝
風雨自當歸

又

筠熟雙投美香飄一縷絲霜前雁到蟬螿持自試小窗
醉墨作新詩

朝中措勸酒

鍊花爲露玉爲瓶佳客爲頻傾耐得風霜滿鬢此身合
是金莖 牆頭竹外洞房初就畫閣新成嚼得梅花透
骨何愁不會長生

太常引和香巖上元韻

便晴也是不曾晴不怕金吾禁行風雨動鄉情夢燈火

揚州化城 少年跌宕誰家嬌小繞帶到天明昨夜月

還生但驚破霓裳數聲是夜月蝕

又壽李同知

此公去暑似新秋吏毒一句句行縣勝監州覺甘雨隨
車應求 鷺清爲酒螺清爲壽起舞祝君侯急召也須
留廿四考中書到頭

玉樓春 侯仲澤約飲螺山靈泉寺余與鄧中甫候久欲

暮歸歸而侯至寺相失

霜風不動晴明好探梅有約城東道橋邊失卻老仙期
城門落日人歸早 野田一望迷芳草除是騰空君後
到立馬三周黛佛頭參差中路令人老

又乙酉九日

龍山歌舞無人道只說先生狂落帽秋風亦是可憐人
要令天意知人老菊花不爲重陽早自愛古人詩句
惱與君鄭重說□□殘年惟有重陽好

烏夜啼初夏

猶疑薰透簾櫳是東風不分榴花更勝一春紅
新雨過綠連空蝶飛慵閒過綠陰深院小花濃

又中秋

素娥醉語曾留又中秋待得重圓誰妒兩悠悠
向愁旱今愁水沒中洲看取明朝晴去不須愁

又

何年似永和年記湖船如此晴天無處望新煙 江南

女裙四尺合鞦韆北裝短後露鞦韆合面並起昨日老人曾見久潛

然

行香子和北客問梅白氏長安人

雪履無痕溪影傳神著坡詩請自清溫松風亭韻朝朝不去

夕夕空勤似夢中雲雲外雪雪中春 四野昏昏匹馬

巡巡揀一枝寄與芳尊更誰興到於我情真是白家賓

江南路隴頭人

又次草窗憶古心公韻

玉立風塵光動黃銀便談文也到夜分無人燭下壁上

傳神記老婆心寒士語道人身 極意形容下語難親

更萬分無一分真醉翁去後往往愁人願滴山泉銜北
家化龍雲

又疊韻

海水成塵河水無銀恨幽明我與公分青山獨往回首
傷神歎魏闕心礮石魄汨羅身除卻相思四海無親
識風流還賀季真而今天上笑謫仙人但病傷春愁厭
雨淚看雲公嘗謂余仙風道骨不特文字爲然故屢著之不敢忘草窗其族子也

又探梅

月露吾痕雪得吾神更荒寒不傍人温山人去後車馬
來勤但夢朝雲愁暮雨怨陽春說著東昏記著南巡
淚盈盈檀板金尊憐君素素念我真真歎古來言新樣

密舊時人

品令聞鶯

滿庭芳草更昨日落紅如掃綠陰正似人懷抱一聲
曉春色何曾老幸自不須人起早寂寞如相惱舊時
聞處青門道禁煙時候柳下人家好

鵲橋仙題陳敬之扇

乘鸞著色癡蠅誤拂不及羲之醉墨偶然入手送東陽
便看取薰時清適清風去暑閒題當日宰相紗籠誰
識封北門外定何人這一點瞞他不得

又壽臞山母

看人擲果看人罷織難得團欒七夕蟠桃只在屋東頭

慶西母年開八袞 去年今日今年今日添箇曾孫抱
膝人間樂事有多般算此樂人間第一

又自壽二首

輕風澹月年年去路誰識小年初度橋邊曾弄碧蓮花
悄不記人間今古吹簫江上沾衣微露依約凌波曾
步寒機何意待人歸但寂歷小窗斜雨

又

天香吹下煙霏成路颯颯神光暗度橋邊猶記泛槎人
看赤岸苔痕如古長空皓月小風斜露寂寞江頭獨
步人間何處得飄然歸夢入梨花春雨

一翦梅 和人催雪

萬事如花不可期
花不堪持酒不堪持
江天雪意使人迷
翦一枝枝歌一枝枝
歌者不來今幾時
姜影無詞張影無詞
不歌不醉不成詩
歌也遲遲雪也遲遲

又和敖秋崖爲小孫三載壽謝

人生總受業風吹
三歲兒兒八十兒
兒深闔空谷把還持
啼看人知啼怕人知
客中自種綠猗猗
月下橫枝雪下橫
枝尊前百歲且開眉
今歲今時前歲今時

夜飛鵲

七夕

何曾見飛渡年
又年癡今古相望猶疑
朱顏一去似流水
斷橋魂夢參差何堪更
嗟遲暮聽旁人說
與此夕佳期
深深代籍盼悠悠
北地臙脂誰寄揚州
破鏡徧海

角天涯空待人歸自小秦樓望巧吳機迴錦歌舞爲誰
星萍耿耿算歡娛未省流離但秋衾夢淺雲閒曲遠薄
命同時

疏影催雪

香篝素被聽花犯低低瑤花開未長記那時熾炭圍鑪
瘦妻換酒行試黨家人在銷金帳約莫是打圍歸際又
誰知別憶烹茶冷落故家愁思聞道滕驕吳嬾今朝
待檄與翻雲須易白白不成又不教晴做盡黃昏情味
銀河本是冰冰底怎忍向東風成水待滿城玉宇瓊樓
卻報臥廬人起

摘紅英賦花朝月晴

花朝月朦朧別朦朧也勝檐聲咽親曾說令人悅落花
情緒上墳時節花陰雪花陰滅柳風一似鞦韆掣晴
未決晴還缺一番寒食滿村啼鴉

千秋歲和尙學林壽筵卽席

新鶯熟也借問誰家早梅影裏蜂兒繞三更殘月上
一夜霜天曉溪橋小春風有意年年到當年青鳥去落
葉無人掃銅柱仄瑤池老殘鐘長樂樹墜馬咸陽道空
回首御街人賣南京棗

促拍醜奴兒辛巳除夕

送歲可無詩得團纒忍不開眉不記去年今夕夢江東
懷抱江西信息舍北妻兒五十辰屢炊待五十富貴

成癡百年苦樂乘除看今年一半明年一半更似兒時

又有感

世事莫尋思待說來天也應悲百年已是中年後西州
垂淚東山攜手幾箇斜暉也莫苦吟詩苦吟詩待有
誰知多不是無才氣文時不遇武時不遇更說今時
最高樓壽秋水

銀河水洗得世間清山色雨餘青老子綸巾綦別墅人
家斲睡柝秋城定誰勞定誰福定誰能常恨著景升
兒不似又恨著景升牛小耳空相望愧平生我欲臨風
扶玉樹自攀承露酌金莖看昆明鱗石長海桑晴

又壬辰壽王城山八十

朱頂字八十正平頭添作八千秋無能也自收郿塢到
今恨不貶潮州看幾人炎又冷老還羞也不學太公
忙把火也不學申公輪轉磨休莫莫休休小遲授業
何曾吃更遲食乳不須愁且從容某水釣某北遊

又和詠雪

非是雪只是玉樓成屑不盡雲英東邊老樹頽然折西
頭穉柳爆然聲試平安松丈丈竹兒兒有誰向金船
呼小玉又誰憐紙帳夢飛瓊怪疏影墜娉婷喚起老張
寒藪藪好歌白雪與君聽但黨家人笑道太粗生
又再和

花上雪信手捻來成屑不就瓊英昨朝已見詩成卷今

朝又試曲成聲更催催莫不做水仙兒
終須待晴時
攜斗酒更須待老夫吟數首休更疊
娉婷已無翠鳥
傳花信又無羯鼓與花聽更催催遲數日是春生
桂枝香寄揚州馬觀復時新舊侯交惡甚思去年中秋

泛月感恨雜言

吹簫人去但桂影徘徊荒杯承露東望芙蓉縹緲寒光
如注去年夜半橫江夢倚危檣參差曾賦茫茫角動回
舟盡興未驚鷗鷺情知道明年何處漫待客黃樓塵
波前度二十四橋頗有杜書記否二三子者今如此看
使君角巾東路人閒俯仰悲歡何限團圓如故

臨江仙代賀丞相兩國夫人生日
竝序

甲子之秋九月吉日大丞相國公壽母兩國太夫人
初度謹上小詞用獻爲王母三千年之曲

丞相袞衣朝戲綵年年慶事如新尊前一笑共兒孫人
閒傳壽酒天上送麒麟 縹緲祥煙連北闕天顏有喜
生春蓬萊清淺海光平今年初甲子重試碧桃根

又壽劉敬

聞道城東鶴會欣然一笑乘風不知一鶴在牆東神仙
人不識未始出吾宗 弟子有年於此先生之道如龍
碧桃花子落壺中化爲三五粒元是北邊松

又壬午七夕

天際何分南與北五更縱又成橫夜來拾得斷河星化

爲一片石持去問君平
老大看天一笑兒童問我須
磨向來牛女本無名
要知天上事亦似謗先生

又將孫生日賦

二十年前此日女兒慶
我生兒簪萱弄綵聽孫啼
典衣沽美酒數待冠昏時
亂後飄零獨在紫荊墓
棘風吹尊前萬事莫尋思
兒童看有子白髮故應衰

又賀默軒

舊日詩腸論斗酒風流懷抱如傾
幾年不聽渭城聲
尊前無賀老卷裏少彌明
聞說語言都好便應步履全
輕長生第一是風僧額前書八十能說又能行

又訪梅

西曲胷衣迷去路雪銷斷岸無痕尋花不擬到前村暖
風初轉袖小徑忽開門 卻憶臨塘橋下馬古心暗香
不是黃昏人生南北與誰論嶺梅花樹下閒聽蜜蜂喧

又謝友人

老去尙呼張文醉中自惜熊兒越王臺上鷓鴣啼三朝
臣不遇無復好文時 情緒幽幽似結鬢絲索索禁吹
病來魂不到相思散人腰已散倚杖歎吾衰時苦腰滯

又曠晴

海日輕紅通似臉小窗明麗新晴滿懷著甚是真情不
知春睡美爲愛曉寒輕 說似吳山樓萬疊雪銷未盡
宮城湖邊柳色漸啼鶯纔聽朝馬動一巷賣花聲

又有感

過雁天邊信息兩宮池上心情沈思海角憤難平山風欺客夢耿耿到天明幸自不爭名利閒愁夜夜如驚明朝鬢白兩三莖世人都念似汝復何成

又

睡過花陰一丈愁深酒力干鍾夢魂不得似遊蜂瓶花無密約到處自神通天上西湖似錦人閒驕馬如龍今年不與去年同飄零終不恨難與故人逢

又端午

幸自不須端帖子閒中一句如無愛他午日午時書惟應三五字便是辟兵符久雨石鯨未沒小風紈扇相

疏邀朋一笑共菖蒲去年初禁酒今日漫提壺

適滿城無酒酤

去年此日初賣官酒

又坐悟

我去就他甚易他來認我良難悟時到處是壺天古詩
尋一句危坐看香煙金玉滿堂不守菁華歲月空遷
從今飽飯更安眠丹經都不看閒坐一千年

又辛巳端午和陳簡齋韻

舊日采蓮羞半面至今回首密窓夢穿斜日水雲紅癡
心猶獨自等待鄭公風海上頽雲潮不返側身空墮
遼東人閒天上幾時同宮衣元不遇無語醉醒中

又閒居感舊

昔走都門終夜雨明朝泥淖堪驚疏點點忽雞鳴數
峰青似染快活早來晴十五年閒春夢斷亂山寒食
清明無人挑菜踏青行青鳩啼雨外閒聽寺中聲

鷓鴣天九日

白白江南一信霜過都字不到衡陽老嘉破帽并吹卻
未省西風似此狂攀北斗酌天漿月香滿似菊花黃
神仙暗度龍山劫雞犬人間百戰場

又壽康教

白髮平津起褻然燕飛定遠望生還世閒最有團欒樂
又是平平過一年銀信近玉鞭先東來西去爵銜鱸
人生有命遲遲好且喜稱觴壽母前

又壽趙松廬

占得春風五日先至今住處是開元
寫真若遇丹元子
只著當時宮錦船
松戴雪自蒼然
八公花下少如前
看來天上多辛苦且住人間五百年

又和謝胡盤居貺橘爲壽

自入孤山分外香
南枝不改舊時妝
爲曾盤裏承青眼
一見溪頭道勝常
商山樂又相羊
上方不復記傳觴
橘中箇箇盤深窈
依倚東風局意長

又迎春

去年太歲田閒土
明日香煙壁下塵
馬上新人紅又紫
眼前歌妓送還迎
釵頭燕勝金紉燕
歌趙舞動南人

遺民植杖唐巾起閒伴兒童看立春

又立春後卽事

舊日桃符管送迎燈球爆竹鬪先贏鹿門亂走團欒久
纔到城門有鼓聲梅弄雪柳窺晴殘年猶自冷如冰
欲知春色招人醉須是元宵與踏青

又贈妓

暖逼酥枝漸漸融雙飛誰識蝶雌雄歌聲已逐行雲去
花片偏來酒琖中眉月冷畫樓空酒闌猶未見情鍾
直須把燭穿花帳方見佳人玉面紅

青玉案微晴渡觀桃非復前日彌望之盛獨可十數樹
耳蓋以此閒人摘實之苦自伐去也歸塗悄然

念之作此以示同行

稠塘舊是花千樹曾泛入溪深誤前度劉郎重喚渡漫
山寂寂年時花下往往無尋處一年一度相思苦恨
不拋人過江去及至來時春未暮兔葵燕麥冷風斜雨
長恨稠塘路

又用辛稼軒元夕韻

雪銷未盡殘梅樹又風送黃昏雨長記小紅樓畔路杵
歌串串鼓聲疊疊預賞元宵舞天涯客鬢愁成縷海
上傳柑夢中去今夜上元何處度亂山茅屋寒鑪敗壁
漁火青熒處

又壽老登八十六歲戊午六月十七日

里中上大人誰大人上大仁難作八十六翁閒處坐小
生懶惰近來高臥忘卻今朝賀甲申還是連珠麼賸
有老人星一箇白髮朱顏堪婆娑靈光殿火昆明劫過
角綺園黃我

又暮春旅懷

無腸可斷聽花雨沈沈已是三更許如此殘紅那得任
一春情緒半生羈旅寂寞空山語霖鈴不是相思阻
四十平分猶過五漸遠不知何杜宇不如歸去不如歸
去人在江南路

踏莎行雨中觀海棠

命薄佳人情鍾我輩海棠開後心如碎斜風細雨不曾

晴倚闌滴盡臙脂淚 恨不能開開時又背春寒只了
房櫳閉待他晴後得君來無言掩帳羞憔悴

又上元月明無燈明日霰雨屢作

璧彩籠塵金吾掠路海風吹斷樓臺霧無人知是上元
時一夜月明無著處 早是禁煙朝來凍雨東風自放
銀花樹雪晴須有踏青時不成也待明年去

又九日牛山作

日月跳丸光陰脫兔登臨不用深懷古向來吹帽插花
人盡隨殘照西風去 老矣征衫飄然客路炊煙三兩
人家住欲攜斗酒答秋光山深無覓黃花處

又

北望蝶山西迷鳳苑
怱怱醉裏題詩滿
黃花只似去年黃
去年人去黃花遠
謂周秋陽同登雲騰
雨壓城荒北園路斷
卻晴又恨公來晚
依稀自唱古人詩
明年此會知誰健

又

松偃成陰荷香去
暑過溪似是東林路
不知宿昔有誰來
寺門同聽催詩雨
北馬依風涼蟬咽
暮城門半帶東陵
圃江南不是米元暉
無人更得滄洲趣

又櫻桃詞

珠壓相於臙脂同
傳樊家更共誰家語
梢頭結取一番愁
玉簫不會雙雙侶
風送流鶯前歌後
舞竝桃欲吐
含來住雙飛燕子
自相銜會教脣舌
調鸚鵡
李商隱詩流鶯猶故

在爭得
諱含來

燭影搖紅 嘲王槐城獨賞無月

老子婆娑那回也上南樓去素娥有限隱雲屏元是嬌
癡故鸞扇徘徊未許耿多情爲誰堪訴使君愁絕獨倚
闌干後期無據有酒如船片雲掃盡霓裳露他時與
客更攜魚猶記臨皋路余前夜船酒觴客月明槐城因
念南羈北旅醉烏烏憑君楚舞問君不見璧月詞成樓
西沈處

又丙子中秋泛月

明月如冰亂雲飛下斜河去旋呼艇子載簫聲風景還
如故嫋嫋余懷何許聽尊前嗚嗚似訴近年潮信萬里

陰晴和天無據 有客秋風去時留下金盤露少年終
夜癸胡笳誰料歸無路同是江南倦旅對嬋娟君歌我
舞醉中休問明月明年人在何處

又立春日雪和秋崖韻

春日江郊素娥吹下銀幡舞東風點點亂茶煙留到明
朝否掩袖凝寒不語漫黏酥枝枝縷縷斷腸何似飛絮
多時落梅深處 仙掌擎來翠眉斂半看成露驚沙馬
上面簾輕誰貴氈廬主多少高陽伴侶到如今沈冥幾
許乘槎相問萬里銀河欲歸無路
念奴嬌槐城賦以自壽又和韻見壽三和謝之
先生自壽擁衾寒重賦凌雲遊意我有大兒孔文舉弱

冠鬢駸暮齒桃已三偷樹猶如此前度花開幾蓬萊可
塞還童卻老無計自爲此援筆翩翩大江東去好似歌
頭起寄與兩家孫又子長看以文爲戲某所某公同年
同月誰翦招魂紙前三例好不須舉後三例槐城廿一日生
又枯寒生晚復何似張緒少年時意薄命不逢何至此滿
眼啼妝齟齬城是城非年來年去萬八千能幾半癡半
了更癡兒計孫計重回首仕已半生仕何如已已矣羞
拈起幸有橘丸丸日大且復從公圍戲若論彈文更書
謗篋吾曆無餘紙多年致仕大都有甚恩例

又

又謝師天飛龍何首嘗心風去都留不金盤靈心羊然

吾年如此更夢裏猶作狼居胥意千首新詩千斛酒管
甚侯何侯齒員嶠波翻瀛洲塵敗吾屐能銷幾經北尋
壑是他早計遲計猶記辰巳嗟嗟故人賀我且勉呼
君起五十不來來過二方悟人言都戲以我情懷借公
篇韻恨不天爲紙餘生一笑不須邴曼容例

又和臞山用槐城韻見壽

滄洲一葉待借君回我鑪亭春意突兀靈光無立壁八
面江風寒齒響屨廊深籠門檻赤數月今纔幾千年未
論豈無數十年計我本高臥牆東何知人事推枕爲
君起憔悴庚寅何足記不覺聯翩賓戲白雪陽春黃雞
唱日絕少澄心紙我歌草草和章有例還例

又酬王城山

兩丸日月細看來也是樊籠中物點點山河經過了披
幟幾番殘壁白是沙隄蒼然吳楚一片成氈雪此時把
酒舊詞還是坡傑歌罷公瑾當年天長地久柳與梅
都發幾許閒愁斜照裏掌上漚生漚滅滄海桑枯東陵
瓜遠總不關渠髮簪花起舞可憐今夕無月

乳燕飛

王朋益僉事夜坐文江之上屢稱赤壁之遊樂

酒餘索賦因取坐閒語參差述之

赤壁之遊樂但古今風清月白更無坡作矯首中洲公
何許共我橫江孤鶴把手笑孫劉寂寞頗有使君如今
否看青山似我多前卻幾見我伴清酌江心舊豈非

城郭撫千年桑田海水神遊非昨對影三人成六客皆
閒更倚歸舟夜泊尙聽得江城愁角渺渺美人兮南浦
語

耿余懷感淚傷離索天正北繞飛鵲

又壽周耐軒

曾授茅山記共當年二百七十又三甲子昨上雲臺占
雲物占得景風南至又恰是封侯千歲行徧神州河洛
外早歸來庭下槐陰翠春萬戶共生意溪翁圖是參
同契想金丹圓成功行活人相似顧我尊前歌赤壁生
子當如此耳笑華髮東坡年幾弟不如人今老矣看龍
頭霄漢雌龍尾呼白石爲公起

又飲海棠花下說放翁記劔南宣華園日報開及幾分

聞五分亟往因美放翁記此足為後人開遊賞之趣
蓋花開三日色變五日則後半開者盛先半開者落
矣歌述此意使觀者有省

過雨城西路看輕雲弄日花閒微寒如霧誰是宣華門
守者報我十分開五便痛飲能銷幾度寄語後來看花
客待看花莫待開成樹成樹也半為土 佺巢蜀錦今
何許記西湖聚景村莊韓侂胄村莊今名聚景王亭謝墅冷落柯

北二三子更問何圍韓圃悄一笑回車竹所東坡自柯北賞海棠

復過何氏韓氏詩云竹間老人不讀書留我閉門誰教
汝蓋市人好事者也適過某氏園閉因記羲之嘗造
竹主人主人避不見其子獻之肩輿入人園點點守宮
復為驅出回車竹所併記其父子賓主一笑黑點守宮

包紅淚縱傾城一顧傾城顧家國事正何與

瑞鶴仙壽翁丹山

正丹翁初度對花滿江城曉鶯欲語崆峒在何處漸雨
過農郊勸耕問路州人爭覩問坡老重來是否把看燈
傳說風流八境盡圖新句如許老子文章揮毫立馬
脫鞵嫌汗太平易作聽父老歌襦袴願使君小住五風
十雨重見一糗三黍又天邊飛詔殷勤說相將去

高陽臺

和巽吾韻

兩枕鶯啼露班燭散御街人賣花窠過眼無情而今魂
夢年多百錢曳杖橋邊去問幾時重到明河便人閒無
了東風此恨難磨落紅點點入頽波任歸春到海海
又成渦江上兒童抱茅笑我重過蓬萊不漲枯魚淚但

荒村敗壁懸梭對殘陽往往無成似我蹉跎

聲聲慢九日泛湖遊壽樂園賞菊時海棠花開卽席命

賦

西風墜綠喚起春嬌嫣然困倚修竹落帽人來花豔乍
驚郎目相思尙帶舊子甚淒涼未忺妝束吟鬢底伴寒
香一朵竝簪黃菊卻待金盤華屋園林靜多情怎禁
幽獨蛺蝶應愁明日落紅難觸那堪雁霜漸重怕黃昏
欲睡未足翠袖冷且莫辭花下秉燭

漢宮春

壬午開鑪日戲作

雨入輕寒但新篔未試荒了東籬朝來暗驚翠袖重倚
屏幃明窗麗閣爲何人冷落多時催重頓妝臺側畔畫

堂未怕春遲
漫省茸香粉暈記去年醉裏題字傾敬
紅鑪未深乍暖兒女成圍茶香疏處畫殘灰自說心期
容膝好團欒分芋前村夜雪初歸

又歲盡得異吾寄溪南梅相憶韻

疏影橫斜似故人安道只在前溪年年望雪待月漫倚
吟磯千紅萬紫到春來也是尋思君不見永陽江上殘
梅冷雨絲絲有幾情人似我漫騎牛臥笛亂插繁枝
市門索笑憔悴便作新知城樓畫角又無花只落空悲
但傳說壽陽一片何曾迎面看飛

洞仙歌壽中甫

也曾海上啖如瓜大棗海上歸來相公老畫堂深滿引

明月清風家山好一笑塵生蓬島
六年春易過贏得清陰到處持杯藉芳草看明年此日人在黃金臺上早
整頓乾坤事了但細數齊年幾人存更宰相高年幾人能到

又器之高誼取前月青山洞仙歌華余重壽走筆謝之
有客從余不計余無酒袖有蟠桃爲君壽歎此桃再熟也須年後甚辦得轉盼箇偷桃手
菊潭三十斛月又月添天賦先生日更久但黃楊長寸閨年倒寸似恁得
到梧宮甚時候客又道奇特是陽生後七日相看醉春風柳

齊天樂端午和韻

枝頭雨是青梅淚翻作一江春水魚腹魂銷龍舟叫徹
不了湖亭張戲滿庭芳芷正艾日高高葛風細細試比
陳人人閒除我更誰似浮沈君共我里記薰廊待對
聞雞蹴起昨日蟾蜍明朝蠅虎身與渠衰更悴老夫病
已任采綠采芩爲師爲帝但有昌陽倩酤扶路醉

又節庵和示中齋端午齊天樂詞有懷其弟海山之夢
昨亦嘗和中齋此韻感節庵此意復不能自己儻見

中齋及之

海枯泣盡天吳淚又漲經天河水

猶有淚成河經天復

萬古魚龍雷收電卷宇宙刹那閒戲沈蘭墜芷想重整
荷衣頓驚腰細尙有干將衝牛射斗定何似成都橋

動萬里歎何時重見鶻啼人起孤竹雙清紫荆半落到
此吟枯神瘁對牀永已但夢繞青神塵昏白帝重反離
騷眾醒吾獨醉

又戊寅登高卽席和秋崖韻

蔣陵故是簷花路風煙柰何秋暑候館凋梧宮牆斷柳
誰識當年倦旅余懷何許想上馬人扶翠眉愁聚舊日
方回而今能賦斷腸語登高能賦最苦歎高高難問
欲望迷處蝶繞東籬鴻翻上苑那更畫梁辭主來今往
古漫湛輩同來遠公回去是日共二僧登華蓋我醉安歸黃花扶
路舞

江城梅花引辛巳洪都上元

幾年城中無看燈夜三更月空明野廟殘梅村鼓自春
聲長笑兒童忙踏舞何曾見宣德棚不夜城 去年今
年又傷心去年晴去年曾不似今年閒坐處卻不曾行
憶去年人彈燭淚縱橫想見西窗窗下月窗下月是無
情是有情

又

相思無處著春寒傍闌干溼闌干似我情懷處處憶臨
安想見夜深村鼓靜燈暈碧爲傍人說上元 是花是
雪無意看雨摧殘雨摧殘探春未還到春還似不如閒
感恨千般憔悴做花難不惜與君同一醉君不見銅雀
臺望老瞞

時鄰居聲妓
有物化之感

蘭陵王丁丑感懷和彭明叔韻

雁歸北渺渺茫茫似客春湖裏曾見去帆誰遣江頭絮
風息千年記當日難得寬閒抱膝興亡事馬上飛花看
取殘陽照亭驛哀拍願歸骨悵氈悵何匹漣酪何食
相思青冢頭應白想荒墳酌酒過車回首香魂攜手抱
相泣但青草無色語絕更愁極漫一番青青一番陳
迹瑤池黃竹哀離席約八駿猶到露桃重摘金銅知道
忍去國忍去國

又丙子送春

送春去春去人閒無路鞦韆外芳草連天誰遣風沙暗
南浦依依甚意緒漫憶海門飛絮亂鴉過斗轉城荒不

見來時試燈處 春去最誰苦但箭雁沈邊梁燕無主
杜鵑聲裏長門暮想玉樹凋土淚盤如露咸陽送客屢
回顧斜日未能度 春去尙來否正江令恨別庾信愁
賦二人皆北去蘇隄盡日風和雨歎神遊故國花記前度人
生流落顧孺子共夜語

瑣窗寒

和巽吾聞鶯

嫩綠如新嬌鶯似舊今吾非故空山過雨睨睨留春春
去似尊前曲曲陽關行人回首江南處漫停雲低黯征
衫憔悴酒痕猶污 欲語渾未住記匹馬經行風林煙
樹家山何在想見綠窗啼霧又何堪滿目淒涼故園夢
裏能歸否但數聲鶯覺行雲重省佳期誤

歸朝歌

最是一人稱好處昨日小春留得住梅花信信望東風
須待公歸香滿路年時今已度長是巴山深夜雨宣又
召凱還簇簇要見壽觴舉 掃盡窩蜂閒繡斧疊鼓春
聲歡歲暮燕臺劍履趣鋒車銀信低低傳好語紫貂裘
脫與肘印纍纍映三組但重省西來斗水忘卻愛卿取
大聖樂傷春 有序

余嘗愛古詞云休眉鎖問朱顏去也還更來麼音韻
低黯辭情跌宕庶幾哀而不怨有益于幽憂憔悴者
然二語外率鄙俚因依聲彷彿反之和之此曲少有
作者流爲善歌則或數十疊其聲皆不可考今特以

意高下未必盡合本調聊以紓思志感云爾

芳草如雲飛紅似雨賣花聲過況回首洗馬塍荒更寒
食宮人斜閉煙雨銅駝提壺盧何所得酒泥滑滑行不
得也哥哥傷心處斜陽巷陌人唱西河天下事不如
意十常八九無奈何論兵忍事對客稱好面皺如鞞廣
武噫嘻東陵反覆歡樂少兮哀怨多休眉鎖問朱顏去
也還更來麼

寶鼎現

春月

紅妝春騎踏月影竿旗穿市望不盡樓臺歌舞習習香
塵蓮步底簫聲斷約彩鸞歸去未怕金吾呵醉甚輦路
喧闐且止聽得念奴歌起父老猶記宣和事抱銅仙

清淚如水還轉盼沙河多麗滉漾明光連邸第簾影凍
散紅光成綺月浸葡萄十里看往來神仙才子肯把菱
花撲碎腸斷竹馬兒童空見說三千樂指等多時春
不歸來到春時欲睡又說向燈前擁髻暗滴鮫珠墜便
當日親見霓裳天上人閒夢裏

祝英臺

近水後

昨朝晴今朝雨渺莽遽如許厭聽兒童總是漲江語是
誰力挽天河誤他仙客并失卻乘槎來路斷腸苦翦
燭深夜巴山酒醒聽如故勃窣荷衣墮淚少乾土從初
錯鑄鴟夷不如歸去到今此欲歸何處

又席閒詠繡毬

看師師成蝶蝶感盡不成疊欲試搔頭花重乍堪捻是誰拋過東牆今無赤鳳夢得似那人身捷年時臘曾笑梅梢和月蠶豆忽如莢便向龍門無復釧金接待教開到瓊林闈仙重見又誰念昆明前劫

憶舊遊

和巽吾相憶寄韻

渺山城故苑煙橫綠野林勝青油甚相思只在華清泉側凝碧池頭故人念我何處墮淚水西流念寒食如君江南似我花絮悠悠不知身南北對斷煙禁火蹇六年留恨聽鶯不見到而今又恨覘睨成愁去年相攜流落回首隔芳洲但行去行來春風春水無過舟

唐多令
丙子中秋前聞歌此詞者卽席借蘆葉滿汀洲

韻

明月滿滄洲長江一意流更何人橫笛危樓天地不知
興廢事三十萬八千秋落葉女牆頭銅駝無恙不看
青山白骨堆愁除卻月宮花樹下塵埃莽欲何遊

又

風露小瀛洲斜河倒海流人間塵不到瓊樓錯向五陵
陵上望幾回月幾回秋落日太湖頭垂虹今是不醉
尊前往往成愁便有扁舟西子在無汗漫與君遊

又

寒雁下荒洲寒聲帶影流便寄書不到紅樓如此月明
如此酒無一事但悲秋萬弩落潮頭靈胥還怒不滿

湖山猶是春愁欲向湧金門外去煙共草不堪遊

又

日落紫霞洲蘭舟穩放流玉虹仙如在黃樓何必錦袍
吹玉笛聽欵乃數聲秋赤壁舞濤頭周郎還到不倚
西風嫋嫋余愁喚起橫江飛道士來伴我月中遊

又龍洲曲已八九和復爲中齋勉強夜和中有數語醉

枕忘之

零露下長洲雲翻海倒流素娥深不到西樓忽覺斷潮
歸去也飲不盡一輪秋城外土饅頭人能飲恨不古
人不見使吾愁莫有橫江孤鶴過來伴我醉中遊

又丙申中秋

明月滿河洲。星河帶月流。料素娥獨倚瓊樓。竟是何年
何藥誤魂夢。冷不禁秋。少日夢龍頭。知君猶夢不算
虛名。不了閒愁。便有鵲袍三萬輩。應不是舊京遊。

又

殘日下瓜洲。平安火又流。月高高挂古城樓。回首少年
眞可笑。無一事又悲秋。天在海邊頭。天風有意不結
桂枝。嫋嫋余愁。不是銀河無去路。先不去後難遊。

又癸未上元午晴

春雨滿江城。汀洲春水生。更悲久雨似春醒。猶有一般
天富貴。夜來雨早來晴。年少總看燈。老來猶故情。便
無燈也自盈盈。說著春情誰不愛。今夜月有人行。

虞美人詠牡丹

空明一朶揚州白紅紫無口色是誰喚作水晶毬惹起
高燒銀燭上元愁 去年一捧飛來雪不似渠千葉狂
風一蹴過鞦韆憔悴玉人和淚望嬋娟

水晶毬

又

天香國色辭脂粉肯愛紅衫嫩翛然自取玉爲衣似是
銀河水皺織成機 寒欺薄薄春無力月浸霓裳溼一
窠香雪世閒稀可惜不教留到布衣時

白疊羅

又

壽安樓子重重蕊少見如魚尾向來染得潤脂紅又自
細搖花浪動春風 頰鱗似是人誰信但向殘紅認若

教隨水去悠然爲報沙頭玉鷺莫貪鮮魚尾壽安

又

花心定有何人捻暈暈如嬌靨一痕明月老春宵正似
酥胸潮臉不曾銷 當年掌上開元寶半是楊妃爪若
教此掐到癡人任是高牆無路蝶翻身一捻紅

又詠海棠

無花敢與姚黃比對對鴛鴦起識他金帶萬釘垂誰向
麒麟裏卸猴緋 潛溪以上難爲說自是君恩別後
來西子避無鹽又道君王捉鼻又何嫌公服紫

又

魏家品是君王后豈比昭容袖風吹滿院繡囊香誰賜

大師師號退昭陽 飛霞一落無根蒂空墮重華淚離

披正午盛時休閒爲思王重賦洛神愁

御愛紫

又

猶疑綠萼花微甚難與青蓮竝青蓮朶朶是天人又向
天人想見洛陽春 多情素質塵生步況被潘妃汚此
花仍是□微頰卻似嬌波波外兩眉青

青蓮萼

又客中送春

樓臺煙雨朱門悄喬木芳雲杪半窗天曉又聞鶯比似
當年春盡最關情 客中自被啼鶻惱況落春歸道滿
懷憔悴有誰知猶記湧金門外送人時

又城山堂試燈

黃柑擘破傳香霧新酒如清露城中也是幾分燈自愛
城山堂上兩三星 枝頭未便風和雨寂寞無歌舞天
公肯放上元晴自是六街三市少人行

又揚州賣鏡上元事也用前韻

徐家破鏡昏如霧半面人閒露等閒相約是看燈誰料
人閒天上似流星 朱門簾影深深雨憔悴新人舞天
涯海角賞新晴惟有橋邊賣鏡是閒行

又

黃簾綠幕窗垂霧表立如承露夕郎偷看御街燈歸奔

河邊殘點亂如星

時余在鑪亭六日禮數內
同舍誘余竊出觀燈並歸

開園蔣

李

二宦者

遊春雨峽蝶穿人舞如今煙草鎖春晴併與蘇

隄葛嶺不堪行

又大紅桃花

鞞紅乾色無光霽須是鮮鮮翠
翛然一點繫裙腰不著
人閒金屋恐難銷
英英肯似馬支貴漫脫紅霞帔
落時且勿浣塵泥
留向天台洞口泛吾詩

又壬午中秋雨後不見月

溼雲待向三更吐
更是沈沈雨眼前
兒女意堪憐不說
明朝後日說明年
今年十七望
當年知道晴三鼓
便似佳期誤
笑他拜月不曾圓
只是今朝北望也淒然

又用李後主韻二首

梅梢臘盡春歸了
畢竟春寒少
亂山殘燭雪和風猶勝

陰山海上窳羣中
年光老去才情在
惟有華風改醉
中幸自不曾愁
誰唱春花秋葉淚
偷流

又

情知是夢無憑了
好夢依然少
單于吹盡五更風
誰見梅花如淚不言中
兒童問我今何在
煙雨樓臺改江山
畫出古今愁人與
落花何處水空流

又春曉

輕衫倚望春晴穩
雨壓青梅損
皺綃池影泛紅蕩
看取斷雲來去似鑪煙
愁春來暮仍愁暮
受卻寒無數
年來無地買花栽
向道明年花信莫須來

又花品

娟娟二八清明了，猶說淮陽早。錢歐陸譜徧花光，紅到
壽陽也不說。淮陽此花地，望元非薄。回首傷流落，洛
陽閒歲斷春風。怎不當時道是洛陽紅。

又中秋對月

秋陰團扇如人老，漸近中秋好。新涼還憶小樓邊，自在
一窗明月，傍人眠。多情誰到星河曉，只道圓時少。他
年幾處與君看，長是成愁成恨，不成歡。

戀繡衾宮中吹簫

臙脂不浣紫玉簫，認宮中銀字未銷。但鳳去臺空，古比
落花無第二朝。天涯流落哀聲在，聽烏烏不似內嬌。
漫身似商人婦，泣孤舟長夜寂寥。

又或送肉色牡丹同賦

困如宿酒猶未銷
滿華堂羞見目招忽
折向西鄰去教
旁人看上馬嬌
肉色似花難可得
但花如肉色妖嬈
誰說漢宮飛燕到
而今猶帶臉潮

又已卯燈夕留城中獨坐憶當塗買燈姑蘇夜舞再集

賦此

當年三五舞太平
醉歸來花影滿庭
辨永夜重開宴笑
姑蘇萬眼未明
萬眼羅最精
最貴然最暗
而今繞市歌兒馬客黃

昏細雨滿城十年事
去如水想家人村廟看燈

花犯舊催雪詞苦不甚佳因復作此

海山昏寒雲欲下
低低壓吹帽平沙浩浩
想關塞無煙

時動衰草蘇郎臥處愁難掃江南春不到但悵望雪花
夜白人閒憔悴好誰知廣寒夢無膠丁寗白玉鍊不
關懷抱看清淺桑田外塵生熱惱待說與天公知道期
臘盡春來事宜早更幾日銀河信斷梅花容易老

又再和中甫

甚天花紛紛墜也偏偏著余帽乾坤清皓任海角荒荒
都變瑤草落梅天上無人掃角吹吹不到想特爲東皇
開宴瓊林依舊好看兒貪耍不知寒須塑就玉獅置
兒懷抱柰轉眼今何在淚痕成惱白髮翁翁向兒道那
曲巷袁安愛晴早便把似一年春看惜花花自老

醉江月

北客用坡韻改賦訪梅

冰肌玉骨笑嫣然總是風塵中物誰掃一枝流落到絕

域高臺素壁匹馬南來千山萬水爲訪林閒雪淵明愛

菊不知誰是花傑陶詩謂菊爲霜下傑憔悴夢斷吳山有何人

報我前村夜發蠟屐霜泥煙步外轉入波光明滅雪後

風前水邊竹外歲晚華余髮戴花人去江妃空弄明月

又趙氏席閒卽事再用坡韻

四無誰語待推窗初見江南風物索笑巡檐無奈處悄

隔東鄰一壁有酒如船招呼滿載只欠杖頭雪疏花冷

眼坐中都是詞傑堪恨幾日西郊尋消問息肯向吟

邊發著意相看又恐是六出幻成還滅惱恨兒童攀翻

頂戴不到先生髮明朝重省初三知屬誰月